



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

X. Quod non scienti loqui latinaliter non conferantur parochiales ecclesiae,
nec canonicatus & dignitates.

urn:nbn:de:hbz:466:1-15644

ANNVS
CHRISTI
1475

natu decedentes, quam ipsæ concubinæ, ecclesiastica careant sepultura. Volumus insuper quod collatio cuiuscumque beneficii facta clerico, qui tempore collationis sibi factæ, aut super duos menses ante vel post fuit, est, aut fuerit publicus concubinarius, sit nulla; & quod collatores beneficiorum in literis collationum hoc apponi faciant expresse. Si tamen (quod Deus auertat) facti episcopi, prælati concubinas publice tenuerint, tam diu a fructuum suarum dignitatum perceptione sint suspensi, donec eas realiter dimiserint.

X.

Cum in constitutione nostra quæ incipit, Agri dominici, contineatur, nullum ad sacros ordines promovendum, nisi latinaliter sciat loqui, id etiam summa obseruantia cauendum est in collationibus parochialium ecclesiarum. Nam cum ars artium sit regimen animarum, pari ratione sacro approbante Concilio statuimus, nullum de parochiali ecclesia debere prouideri, nisi saltem latinaliter sciat loqui. Attendentes etiam, quod quanto crescunt dona, tantum etiam rationes crescunt donorum, eandem constitutionem ad canonicos tam metropolitanarum, quam cathedralium nostræ prouinciæ ecclesiarum, & ad maiores post canonicatus earundem ecclesiarum dignitates extendi tenore præsentium eodem approbante Concilio volumus & inhibemus, nisi ex causa multum euidenti & necessaria cum ipsis canonicis & dignitatibus prælati viderint dispensandum.

Concil. Tom. 34.

F ij